

ORATIO
DE
GEORGIO II
DEFENSORE FIDEI AMABILI
HABITA
IN
ANNIVERSARIIS SACRIS
ACADEMIAE GEORGIAE AVGVSTAE
A. D. XVII SEPT. A. MDCCXXXIII
AB ILLVS TVM
PRORECTORE
IO. MATTHIA GESNERO



GOTTINGAE,
TYPIS A. VANDENHOECK, ACAD. TYPOGR.

ACADEMIAE GEORGIAE AVGVSTAE
VENERANDI PATRES
HOSPITES HONORANDI

TVQVE VOLVPTAS ET CVRA NOSTRA VNICA
GENEROSISSIMORVM NOBILISSIMORVMQVE
IUVENVM AMABILIS CONCIO.

Nonus iam annus exit, ex quo nondum nos quidem in hac aede, quae tum maiore parte sui armamentarium erat, atque horreum, non in adiunctis illi auditoriis, quae tum nondum erant perfecta, conue-
niebamus; in hanc tamen urbem colligi coepimus noui coloni, noui ciues literariae vniuersitatis. Sex ipsi hodie anni sunt, quod collecta & condita triennio illo primo Academia primum in lucem quasi solenni pompa prodiit, & splendide nata est.

Innumerabilia per hosce annos diuinae in nos prouidentiae, beneficentiae regiae, paternae Maecenatis nostri indulgentiae, specimina exstiterunt. Natalem tamen nondum celebrauimus, qui tantam gratulandi materiem nobis praebuerit, qui ita valide Musas excitarit nostras ad hoc agendum, quod tum ante aliquan-

do, tum inter ipsa inauguralia sacra, illarum ego sacerdos atque interpres promittere memini.

Nihil quidem ad solam praedicationem hominum refert **GEORGIVS II** Rex ac Pater noster Augustissimus, cui suus animus, sua conscientia, amplum satis theatrum est, & omnibus Olympiae celebritatibus, triumphis omnibus splendidus. Sed nostrum tamen est officii nostri meminisse, & hoc ipso obeundo publicae quoque rei servare.

Musas Iouis filias faciunt poëtae, & primum illis opus assignant, ut patrem suum suorum carminum suavitatem celebrent. **Georgia Augusta** hoc ipso suo nomine patrem suum praefert. Hunc laudare, hunc festis celebrare vocibus, officium illius & felicitas est.

Nihil non laudandum cogitat, instituit, efficit **GEORGIVS**; sed nescio quo modo hoc bellicae res habent peculiare, uti splendidiorem, plenior, & magis aures animosque hominum explentem laudibus materiam praebeant. Est nempe hoc, **AA.**, in ipsis naturae nostrae rationibus fundatum, ut quae res sensus nostros feriunt & vehementer commouent, illae etiam ad commemorandum laudandumque plenius aliquid habeant & sonantius: cum virtus alia, & quae animo tantum cernuntur, afficiant illa quidem eos, qui philo-

lo.

lofophando , mortem meditati , mentem feuoicare a corpore & fenfibus, longo vfu didicere; reliquorum autem & fenfum & intelligentiam praeteruehantur.

Quae cum ita fint, AA., eo maiore fiducia hodie illud fuggeftum conscendi, quod Academiae huic, hoc natali die fuo, gratulari non modo poffum faluum & incolumem Patrem fuum, & Rectorem Magnificentiffimum; fed gratulari poffum Patrem fuum Defenforem fidei magnanimum, Patrem atque Imperatorem exercitus, quo nullus vel praefantior fuit exercitus, vel meliorem caufam defendit, felicem, triumphatorem adhuc in praelio; & fi caufae bonitas, fi virtus, fi fapientia praefat victoriam, fi Deus amat Germaniam & Europam, belli etiam totius triumphatorem.

Quid ergo natali die fuo potius agat Academia tua, GEORGI Pater indulgentiffime, quam vt tibi te Patrem fuum, te, Pater, faeculo gratuletur, vt laudet GEORGIVM II *defenforem fidei amabilem*.

Non hoc quidem agemus AA., mercedem vt perfoluamus optimo Principi, quod ridiculum pene confilium fuerit; cum ille non a paucis & obfcuris quibusdam, fui praeterea beneficii hominibus, fed a conſentiente omnium, quae poſt nos erunt, faeculorum

dicatione , animi illius vere regii, & susceptae fortiter adeo pro fide propugnationis praemia sit reportaturus: sed ita defensorem fidei laudabimus, vt studeamus hanc iuuentutem propositis GEORGII laudibus ad amandum talem tantumque principem incitare, hoc est bonos ciues reddere.

In hoc enim profecto boni ciuis numeros aliquis impleat facillime, illum si principem vere amet, illi placere in omni actu vitae studeat, qui sit nostri GEORGII quam simillimus.

Conabimur ipsius, quae GEORGIVM ita amabilem reddit, virtutis amore inflammare hos ciues nunc nostros, in hoc velut seminario reip. laeta incrementa capientes, mox publicae felicitatis, imple omen Deus! administros.

Nempe id ipsum quoque in muneribus, quibus immortaliter de patria tua mereris, GEORGI, Pater Patriae, numerabitur, si tuae virtutis laudibus ad illius imitationem, & persequenda velut vestigia tua, excitari se generosi sanguinis ac pectoris adolescentes patiantur.

Felicissimum equidem hunc diem, meque ipsum haud mediocriter fortunatum iudicabo, si quid illius propositi hac oratione consequi mihi contingat; si

GE-

GEORGIUM II *Defensorem fidei amabilem* ita pos-
sim vobis AA. effingere, vt illa imago animis infi-
nuata atque impressa vestris, vos quoque non admi-
ratores modo GEORGII, (tales enim etiam hostes
sunt & inuiti) faciat; sed. pro suis quemque rationi-
bus fidei ipsos quoque defensores.

Verum altius paullo exordium est.

Finem bonorum, quae petuntur ab illa imperantium
& parentium, ab illa hominum legibus & iure inter se
deuinctorum, quos ciues appellamus, societate, sum-
mum igitur vnius cuiusque ciuitatis bonum esse pa-
cem, satis constat: pacem, inquam, hoc est otium cum
dignitate, quietam rerum facultatumque suarum
omnium possessionem, & vsum a nemine turbandum,
vti & suo arbitratu suis quisque bonis frui, & ius suum
consequi, & locum, atque omnem dignitatem suam in
re publica tueri possit. Quod quale sit & quantum bo-
num, tum demum intelligitur, cum vel externus hostis
turbare, agere, ferre, vrere, vastare coepit omnia; vel
ciuilis discordia, abruptis legum vinculis, conculcata
imperantium aut magistratus auctoritate, summa imis
miscet.

Cogitemus, AA., quoniam libera mens est, & imagi-
nes ipsa sibi quas vult potest effingere; cogitemus
igi-

igitur conditionem rerum eam , vbi ad vim & arma ventum sit vel inter ciues, vel inter vicinos populos, vbi culta nostro studio praedia occupent, diripiant, vastent, hostes; domus nostras, cum his, quae longa industria dominorum congesta sunt , diruant, flammis exurant ; bibliothecas, thesauros omnis generis, supellectilem, quod cuique carissimum est, disiciant, corrumpant, auferant; caput & vitam petant denique, & fame, vulneribus, varioque cruciatu vexent , & aut in miseram seruitutem homines abripiant, aut plane ipsa vita crudelissime priuent. Obsessae vrbis miseras cogitemus, & quae de Hierosolymis audimus quotannis, nuper de Praga legimus, ita referamus ad animum nostrum, vt iis nos velut interferamus medios, & quid nobis animi futurum sit, si eum in locum adducantur res nostrae, reputemus. Tum subito restitutam ex tantis malis pacem, velut ex maxima procella, & naufragii praesentis metu serenitatem, animis proponamus. Sic fortasse rectius aureae pacis pretium intelligemus, sic laudabimus eam sapientiam, siue diuina ipsa fuerit, siue a Deo concessa hominibus, quae collectis in ciuitates hominibus pacem suasit , & vnitis voluntatibus communem felicitatem procurare.

Iam vero, vt sunt hodie res nominum, fundamenta firmamentaue pacis sunt federa.

Non

Non hic locus est, AA., de vafri hominis, Thomae Hobbefii fententia difputare, & quaerere, vtrum naturalis hominum conditio fit bellum, quo omnes ab omnibus oppugnentur, repugnent omnes omnibus? quod qui affirmant, multum proli dolor! praefidii orandae fententiae fuae in hiftoria omnis aevi, in his quae videmus, audimus, legimus quotidie; inueniunt. Illud norunt, qui attendere animum rebus, quae geruntur, voluere, quae hodie pacem inter fe obferuant gentes vicinae, (earum enim, quae longis terrarum mariumue fpatiis diuifae funt, migrationes, & orientia inde bella, obfoleuiffe iam videntur) eas foedere quodam inter fe & pactionibus contineri: eorumque federum non illam modo vim effe, vt neuter populus alteri noceat, fed vt nemo alius temere eum laedere populum aufit, qui federe fibi adiunctum habeat alium, aut plures adeo, quorum viribus ad fuas opes adiunctis repellere quoscunque insultus atque impetus poffit.

Quod ergo fingulis hominibus praeftat ciuitas, vt, fingulorum vel paucorum ab iniuriis tutius ius ac dignitatem retinere fuam poffint, illud federibus debent populi, quorum beneficio in maiorem veluti ciuitatem coaliti, nullam vim, iniuriam nullam coniuratorum etiam hoftium extimescant.

Sed quid ciuitas, quid fedus, sine fide? id est, sine constantia agendi, praestandi, quod acturum praestitutum te receperis. Ecquis enim quamcunque rem privatam aut publicam contrahat cum eo, a quo fidem sibi non iri praestitum sciat? quis ciuis esse ciuitatis eius optet, in qua nemo se fidei obligatum obstrictumque putet vinculis? quis fedus cum illo facere populo, a quo sperni, si ita expediat, federum religionem constet?

Neque est, quod quis nobis obuertat, nihil esse hoc saeculo, quin nihil fuisse omnibus saeculis perfidia & priuata & publica solennius; plenam esse historiam omnem, plenam vniuscuiusque nostrum memoriam, ruptae vel priuatorum scelere vel principum leuitate fidei: neque tamen deesse hodie, qui res contrahant, qui feriant federa. Scilicet ita perfidias illas memorant rerum gestarum conditores, vti ipsam perfidorum memoriam dehonestent, impiisque illorum Manibus velut sanguineas notas, & stigmata nunquam delenda inurant; ita memoriae, vel oculis adeo nostris obuersantur perfidi, vti sacros ac detestabiles sentiamus illos esse, vt vltra Indos & Garamantas velimus relegatos, vt caueamus nobis quantum possumus, ne, qui semel sefellit, cum eo quidquam seriae rei in posterum contrahamus.

Quod

Quod autem licet semel iterumque decepti, tamen vel priuatarum rerum vel publicarum conuentiones faciunt homines, illud indicat, superesse tamen in maiore generis nostri parte fidem, audere neminem dicere, se perfidum esse, nisi forte comicum lenonem, aut simili ex genere hominem; sperare bonos viros, eos quibuscum sibi negotium sit, sui fore similes; si quis sit fedifragus vel populus vel princeps, eorum sperari posteros vel successores meliores, eorum federibus firmamenta quaeri etiam alia.

Quidquid denique est, quod de perfidia vel priuatorum hominum vel publica dici potest, illud omne potius, quam foeda, quam perniciosa ipsa sit, demonstrat, quam ut de pretio inaeestimabili virtutis, quam laedit perfidia, detrahere quidquam vel imminuere possit.

Quin quo plures sunt perfidi, quo plus per illos damni & molestiae rebus nostris infertur, quo difficilius illorum scelere vita est; tanto maioris faciamus Fidem, rem vnam sanctissimam, summi illam in ciuitate boni effectricem, in Capitolio a Romanis iuxta Iouem collocatam merito, & colendam religiose inter cetera numina propositam.

Hanc colere semper bonum est, semper utile, si,
 B 2 quid

quid bonum, quid utile sit, non pondere aeruginis, non iugeribus luti, non vesica metiamur, sed aequissima honestatis, quae veram semper utilitatem sibi adiunctam habet, lance aestimemus.

Ac priuatam quidem fidem qui verbis eleuet, qui rideat religiose eam seruantes, qui perfidiam priuatorum prudentiam interpretetur, nescio an temere inueniamus: certe an serio profiteri quisquam sanus in tali secta nomen suum audeat, vehementer etiam atque etiam dubito. Ne lenones quidem & latrones, & si quid his potest esse turpius, excipiendos esse arbitror.

Qui fit igitur, AA., uti passim audiantur legantur eorum voces, qui fidem numerare in principum & regum, siue qui alii rerum publicarum gubernacula tenent, virtutibus detrectant? qui nescio quam deam Lauernam comminiscuntur, Rationem status vocant, per quam liceat regibus, quod nemo bonus vir sibi licere putat, mentiri, peierare, fallere. Horribile profecto & execrandum monstrum illa Ratio status, magistra illa improba, quae mendacia & periuria his persuadeat, quorum pectus Fidei sacrarium, quorum os oraculum nunquam fallax, quorum dextra Fidei ara esse debebat.

Si diligenter exquiras, quid tandem rei sit illacebrata

brata tantopere, & sancti numinis instar culta Status ratio; illud denique inuenies. Ratio status est (si Latine loqui vellent, aut possent, dicerent, e re publica est, cum salute rei publicae coniunctum est) ne imminuantur, contrahantur, retroue agantur fines regni, sed potius augeantur quantum potest, quacunque arte potest, ac protendantur. Qua in re ita insani videas, ut non iurata tantum fides violetur, de quo maxime hic agimus, sed flore ciuium, certe robustissima parte sobolis, priuetur totum regnum, ea causa, ut spatium agri adiiciatur, vastandum ipsum quoque, & ante exhauriendum incolis, quam in potestatem noui domini transeat.

Dici non potest, quanta ea in re versetur insania. Tibi enim inter innumera beneficia, GEORGI, Pater indulgentissime, hoc debemus non postremum, quod licet tuo sub imperio viuentibus suis rem vnā quamque nominibus designare! Insania profecto est & verus furor, in quem perfidi isti a suis magistris, non refutatione sed exilio dignis, impelluntur. Fidem, fœdera, iuris iurandi religionem violare licet, infinitos numero homines, hinc suos ciues, hinc alienos, in rapinas, vulnera, caedes, dare licet, ut augeatur ditio vnius alicuius mortalis, qui hoc debet suis ciuibus, ut publi-

cam tranquillitatem tuendo vim & iniurias ab illis defendat; felices beatosque omnes reddat: sed qui agat nihil aliud, quam ut pluribus imperet, futuris sua opera egregia infelicioribus.

Pastores populorum esse reges, inter omnes non poetas modo conuenit, sed veram illam imaginem esse, quae conditionem regum recte declaret, nemo dubitat. Iam si quis pastor non hoc agat, ut quantus cunque suus grex est, illum in sana ducat pascua, abundantia pabuli & salubritate fecunditatem illius procuret, canibus illum a luporum grassatione & latrunculorum insidiis defendat; sed illud agat vnum, sua uti pascua extendat, limites terminosque moueat, ac pace vicinorum abrupta, ingentem canum multitudinem primo ouium suarum carne pascat, tum iis canibus vicinas oues pariter ac suas laceret, has praeterea conficiendas vicinorum canibus praebeat?

Fallor? an haec verissima imago fuerit eius regis, si quis illam Status rationem, illam falsi nominis utilitatem publicam, quae pestis potius & perniciēs publica debebat appellari, a perfidis sibi hominibus, & religionis omnis expertibus, commendatam adamarit, fidem inter vana nomina ponat, reges federibus ludere ut pueros astragalus, vel dicat, vel ita se putare, rebus manifestis declaret.

Quam-

Quamquam ipsos populorum rectores non tam accusandos putamus, quos vel mollities sua, educatorum vitio, aut scelere sodalium contracta, ab omni cura rei publicae ad voluptates solas conuertit; vel falsa quaedam, & prope dicam, puerilis gloriae imago infatuauit, & vertigine quadam velut ebrios afficit: non tam hos, inquam, accusandos putamus, quam illos execrandos, & coercendos suppliciis, si qui sint, quales nulla non aetas fertur tulisse, doctores & magistri perfidiae: si sint de illa Laconis Archidami (*) schola homines, aut Platonici Thrasymachi, aut Etrusci denique magistri vel genuini pulli, (de quo iam non disputamus) vel spurii: quorum nisi impiae voces corrupissent animos principum, aut consilia illorum firmarent, plus valeret bonorum virorum auctoritas, sanctam fidem rebus omnibus anteuertentium, & frustra clamantium, utile nihil esse, quod non sit idem honestum: noxias esse, quaecunque perfidia quaerantur, commoditates: quin perire, si res ita ferat, seruato federe, & animam impendere fidei, satius esse, generique humano utilius, quam partis perfidia sua tranquille & nemine extra turbante frui.

Ob-

(*) ap. Plutarch. Lacon. Apophth. p. 219, A.

Obsoleta videtur, AA. , quibusdam hominibus talis oratio, & declamationi puerili ex semiputridis quibusdam commentariis depromptae, quam virili orationi, inter viros habendae, similior. Verum in hoc ipso triumphamus hodie, & laetitiis omnibus incedimus, quod sententiam, divinam illam per se, & dei inter homines vicariis ante omnes commendandam; sed impiorum hominum studiis ad cirratorum fere subsellia relegatam, quin hinc etiam, si quorundam conatus, si minus scelesti, inconsulti quidem certe, valent, & continuantur cuniculi, expellendam propediem: quod igitur hanc sententiam, de fide federum etiam magnis cum periculis & incommodis seruanda, immortali exemplo Augustissimus Rex noster firmavit, defendit, tanxit; quod exemplum plus, ut speramus, apud eos qui nunc viuunt, & ad omnem posteritatem valebit, quam impudentium quorundam impietatis doctorum voculae.

Salve Pater patriae nostrae per te florentissimae; salve trium regnorum Pater, quae illo te caritatis ac pietatis nomine aeternum venerabuntur; salve Pater eius Reginae, quae honos & gloria saeculi huius, admiratio futurorum, patre suo priuata cum esset, & hereditatis bona parte exuta ab his, qui federis lege
tueri

tueri illam debebant, qui defensionem illam magna mercede susceperant, tua, **GEORGI**, Rex inclute, fide, constantia, sapientia, tuis opibus, tua virtute, manu tua, quam fortitudine non minus quam fide ac liberalitate praestantem experitur, tui sanctissimi capitis periculo, tui corporis obiectu, tui filii, quem tui simillimum similis gloriae impetus ad immortalitatem nominis rapit, tui igitur filii vulnere & discrimine praesentissimo, defensa, seruata, restituta est: quae illud paternae necessitudinis nomen de te usurpat lubentissime, & suis vsurpandum liberis posterisque commendabit.

Quis nostrum, **AA.**, non cum sacro quodam horrore recordatur, quae nuper adeo rerum per Europam, Germaniam praesertim nostram, facies fuerit? Mortuus erat praeter spem & opinionem, celeri admodum fato atque tanto suis terribiljore, Imperator **CAROLUS VI.** qui quantum prouideri consilio ipsius potuit, cauerat, vt Austriacae domus opes nulla diuisione imminutae transmitterentur certa lege ad posterios, vt vnus in potestate cum essent, hinc propugnaculum praestarent aduersus Orientis tyrannos, hinc Borboniorum molitionibus, iugum Europae, intentantium, opponerentur.

Cui rei cum ipsam domum Borboniam vel maxime repugnaturam, facile praevideri posset; eam, tanquam voracem aliquam feram, placare interim boli satis magni obiectu visum est. Placuit pretium: auide correpta Lotharingia: Sed pro eo quod defendere testamentum Caroli, & sanctum illud fedus pragmaticae sanctionis conseruare debebat, alia omnia instituit, & quasi non ad tuendam Caroli filiam, sed ad euertendam regnis patriis coniuratum esset, ita frigide primum illam, cum opis promissae mentionem faceret, retinet, differt, circa literarum quarundam apices ac titulos tricatur: mox persona deposita totis perne regni viribus ereptum illi venit, quod iisdem viribus tuendum seruandumque sanctissime promiserat.

Quod enim dictitabant, promissam sanctionis pragmaticae tutelam intelligendam esse *saluo iure tertii*; quis ita hebes est, quin videat, tali exceptione nihil esse impudentius. Quid enim? Lotharingiamne daturus erat, genero & generi ereptam suo Carolus pro eiusmodi promisso, quod hac exceptione simpliciter omnem vim suam amitteret? Annon, qui sanctionem pragmaticam praestandam susceperere, illud ipsum eodem actu professi sunt, se non arbitrari, ius esse alicuius tertii? Nonne cuiuscunque demum illius

lius tertii excludendi caussa totum negotium contractum est? Acuta gens, si DIs placet, Galli, qui tam capitale inuentum excogitarint! Hebetes Germani homines, & conuicio Gallico digni, qui tam praeclaram cautionem non viderint! Immo vero boni viri & sapientes, quibus ne in mentem quidem venire tam absurda tam impudens cauillatio potius quam exceptio potuit.

Scilicet aequae subtiliter excogitatum est illud alterum, cum dicerent, copias illas, quibus inundabant partim, partim obsidebant Germaniam, nihil hostile minari Reginae, auxiliares tantum esse principis federe sibi coniuncti. Verius dicat, si quis neutrius partis auxiliares dicat, vtriusque hostes, & Reginae, quam apertissimo crudelissimoque bello petebant, & eius Principis, qui non ita multo post, a praeclaris illis federatis se in fraudem inductum, variis modis proditum, suis fortune excussum, suos autem ciues exhaustos, suas vrbes vastatas, intelliget. Parum enim profecto videt, (de his loquor, qui extra partes velut constituti nullo affectu, perturbatione nulla impediuntur) parum ergo videt, qui hoc non intelligit, illud actum ab acuta ad fraudem, ab inhiante summae rerum gente, mutuis vt se bellis attererent Austriacae

hereditatis aemuli, ac facilem sapientibus vicinis, & praeclaris federum custodibus, opprimendorum vniuerforum facultatem darent.

Hoc spectabant tanti apparatus: hic sensus erat armorum Gallicorum: ad quem diuinandum non hario-latione longa aut subtilibus coniecturis opus est, sed attenta modo eorum, quae tum agebantur, consideratione. Ad haec obtinenda, non vires modo adhibitae, exercitibus maximis in limite collocatis, iis praefertim in locis, vbi terrore continendi erant, qui vel successorem Carolo satis potentem, & minime obnoxium illi regno, eligere, vel subsidia mittere ipsius fidae vellent; omnia ita mature acta, administrata, perfecta, quasi praeuisum esset fatum Caroli vigentis etiam, & longiorem vitam pollicentis: verum quidquid blanditiae gentis propriae, quidquid lingua politissima, quidquid homines ad placendum, persuadendum, fallendum nati atque instituti, quidquid redempti pretio rumororum magnificorum geruli, breuiter dicam, quidquid artes Gallicae, quibus illam magnitudinem ab vno alteroque saeculo debet, valent aut efficere possunt, illud omne omnibus in aulis adhibitum, omnia ita instituta & comparata promissionibus, minis, persuasionibus, vt vel sponte sua quiescerent, quibus
eius-

eiusdem federis tutela iniuncta erat, vel metu concitatorum in se vicinorum a cura rerum externarum auocati, satis haberent, si ipsi retinere salutem possent, de Regina adiuuanda curam vel abicere cogentur, vel certe differre.

Interim passim audiebantur legebanturque iactationes & gloriae de maiestate & sapientia Gallica, cuius prouidentia orbis reip. Germanicae, & Europae adeo, sine sanguine, sine strepitu, solo splendore & ventilatione armorum Gallicorum conuertendus esset. Nihil legi nisi Floridi nomen, & Bellinsulani, & Malliambosii. Senescere videbatur virtus Britannica, Belgica fides mussare, nihil virile audere, Germanica fortitudo sepulta plane videbatur. Iam de diuidenda Austriorum hereditate, velut herciscundae familiae iudicio in Gallico tribunali agi, iam assignare perfidus senex, & virtutis suae opinioni superstes, imperia, regna, regiones, his, qui comiter venerari maiestatem Gallicam possent.

Regina inter haec inuidio plane animo & vere regio nihil indignum se admittere, a Deo omnia, a se bonum animum, a federatis fidelibus pecuniam, pecuniam & milites a suis ciuibns, Hungaris praesertim eorumque vicinis, petere ac sumere. Nouerat Regi-

na, quae hoc aetatis iam senilem ex historia prudentiam collegerat, caelesti providentia iam aliquoties perditas prope res Austriorum restitutas, vt profani etiam homines & parum religiosi dicere solerent, peculiarem deum esse, cui res Austriorum cordi sint, vt neque alienis consiliis opibusque, neque suis erroribus, aut perfidiis adeo domesticis pessum ire possint. Nouerat, GEORGIVM II non inter titulos modo hereditatis iure ad se delatos vsurpare nomen Defensoris fidei, sed promissorum pactorumque fidem sanctam putare, & pro illa defendenda nihil non audere suscipere. Nouerat, Belgarum ciuitates etiam fide & federum religione seruanda hanc ipsam magnitudinem esse consecutas, & ad hunc diem seruare.

Neque vero fefellit sapientissimam, magnanimam, piam Reginam haec persuasio. Intercessit, enim & opposuit se triumphanti, & gloriationibus suis caelum petenti perfidiae diuina iustitia, vindex superbiae, federum ruptorum vltrix, & ad fidei desertae, derisae, conculcatae defensionem quasi e somno breui euigilauit.

Quo infideliore erant, qui praemium ingens pro-
tuendo Caroli testamento acceperant, atque impudentiores, eo plura excitauit submisitque Caroli filiae Deus

ad

ad repellendam contundendamque perfidiam subsidia: in quibus vniuersa Europa, & quaecunque erit rerum gestarum curiosa posteritas, cum summa beniuolentia & laeta admiratione nostrum celebrabit *Defensorem fidei*: & a GEORGIO inde secundo, ipsiusque anno imperii felicissimi sexto decimo, non iam pontificiae adulationis nomen, non mercedem stricti in Lutherum cum gladio calami Henrico VIII persolutam; sed titulum agnosceret fortissimo Regi debitum tributumque, quod solus, mussantibus ceteris, vel arte Gallica per domesticas factiones suscitatosue hostes externos impeditis, non sine summo auitarum imperii sui regionum periculo, bello alio iam sat damnofo implicitus, variis modis in diuersam partem sollicitatus, fidem, fidem! reliquis rebus omnibus ante habuit, federatam reginam hinc vi pecuniae immensa adiuuit, hinc passionibus interpositis a maiori liberauit periculo, tum magnis exercitibus & omni apparatu bellico trans mare traiectis, per ingentes terrarum tractus cum obuiam missis a Carolo Lotharingo, ad Scipionum, Caesarum, Eugeniorum gloriam magnis passibus grassante, cohortibus copias iunxit.

Ipse, ipse Rex Augustissimus, qui iam adolescens ea bellicae virtutis specimina dederat, vt minime metuen

tuendum esset, ne hanc regio, qui ipsum circumdat, choro defuisse aliquando dicat historia: hac aetate, hac rei militaris inolita nomini ipsius gloria, tamen ipse non auspiciis modo, sed ductum etiam exercitui e Britannia & Germania sua collecto accommodauit, praesens ipse animauit suos, & bona spe rei bene gerendae, & pudore in oculis tanti arbitri ignauum quidquam in se admittendi, & aemulatione tanto placendi remuneratori virtutis, impleuit suos, suos autem mox fecerat, ut virtutis fama, sic regia vere humanitate, comitate, liberalitate, omnes etiam non suos. *Bonorum* quidem qui vbique sunt *virorum regem* iure GEORGIVM nostrum vocaueris. Sola iam praesentia tua, GEORGI II pater ut patriae sic exercituum, immortaliter nobis care, plus in exercitu, quem ducis, efficiebat, quam decies mille fortissimorum militum supplementa. Adductus etiam est GVILIELMVS AVGVSTVS tuus, spirans illa virtutum regiarum, hoc est tuarum, imago, alterum quasi pignus, vnde omnes intelligant, quantum pro fidei defensione possis.

Sed non satis habuit, AA., repetamus enim memoria, quod liberis posterisque, quicumque erunt, nostris admirandum praedicandumque commendabimus; non satis ergo habuit Augustissimus Rex noster adesse,

adefse, praefens ipse imperio regere exercitum, fidei sub ipsius auspiciis defensorem, ultorem perfidiae. Militis etiam non detrectavit munia.

Viderunt in Dettingensi praelio, astute satis, & pro ingenio, quo valent hostes fidei, instituto, GEORGIVM nostrum Britanni sui, viderunt sui Saxones, Hungari & Austrii viderunt, periculosissimis in locis animo praesenti ac tranquillo versantem, & quid facto opus esset imperantem, cum tanta circa illum vis ferreorum globorum horribili & mortifero cum stridore volaret & caderet, vt sacrum & augustissimum caput, cui parcere alias etiam hostes per bellicae humanitatis rationem solent, nouo barbariei ac perfidiae genere, studio ac dedita opera peti videretur. Viderunt filium Regis, quem ardens iuuenili in sanguine virtus raperet in ipsa pericula, cum femur glande plumbea traiectum haberet, non nisi tarde praelio excedere, nec prius alligandum vulnus praebere medicis, quam captiuo hosti, quem grauius quam se vulneratum, magis indigum opis putabat, prospectum esset. Viderunt patrem augustissimum, cum interroganti dictum esset, ossa videri integra, paucis verbis maxime virtute & bono animo esse iubere filium, & imperatoris ad officium statim redire.

O dignum te tanto patre, Screnissime dux Cumberlandiae! felicem te hoc filio, tuae virtutis aemulo, GEORGI Rex Augustissime! Te, regie iuuenis, adhuc vnus quisque gressus virtutis in Dettingensi praelio demonstratae & probatae admonuit, & aliquam diu admonebit. Tuum, fortunate pater, quoties talem tantumque filium intuebere, pectus pertentabit tacitum. illud quidem, sed non ideo minus dulce gaudium.

Salue pater, salue rex bonorum virorum, salue fidei defensor, religiosissime, fortissime, felicissime, & quod tam laetis auspiciis tam diuinis coepisti facere, vt liberata Europa a summo seruitutis, ad quam per extrema malorum aditus parabatur, periculo, fidem & fedrum religionem commendes & huic saeculo, & quaecunque post futura sunt, illud fauente porro caelesti prouidentia feliciter perface.

Patiamini, quaeso, AA., vt apud vos profitear; quod mihi crediturum spero, vt quisque vel est vir optimus, vel me paullo propius nouit, quod non commemorarem, nisi inter vos quoque sperarem esse plures eadem mente praeditos; quam mentem, si possem pluribus etiam inspirarem, & vtinam vel ad hoc solum, hac sola hora mihi suppetat eloquentia, vt inspirare possim omnibus. Hoc ergo profiteor apud vos, &
sub

sub religiosissimi iurisiurandi fide confirmo, me delictari quidem vehementer, uti nunc se res habet, liberatam esse patriam nostram ab insolentissimis hostibus, quorum vel iactationes & superbias audire & legere mortis instar est; saluum, gloria immortali auctum esse, Augustissimum cum Celsissimo filio suo Regem nostrum, honestissimae pacis ex iustissimo bello spem imminere: his, inquam, rebus vehementer commoveor, gratulorque ex animo suam optimo regum gloriam, suam fortissimo principi cicatricem, quam multis aureorum millibus sibi emturi quidam, si possent, videntur; gratulor otii & dignitatis spem bonam Germaniae, huic praesertim patriae nostrae, & in his omnibus a boni civis officio nunquam recedam.

— Sed hoc, AA., hoc maxime gaudeo, hoc laetor vnice, hoc praesertim nomine immortales Iouae Imperatori gratias decerno, quod egregium ad omnem consequentis temporis perpetuitatem monumentum exstare voluit defensae suo numine fidei, perfidiae autem iam triumphantis, iam paeana canentis, confusae atque reiectae; immiscentisque se rebus humanis, easque sapientissimo arbitrio gubernantis, providentiae adeo clarum dedit specimen, ut qui illam videre se neget, ille non luscitosum, sed caecum, non hebetem, sed plane furiosum se profiteatur.

Perge quaeso, Pater, tueri tuam inter homines maiestatem, & ita faue seruatori nostro, ac fidei defensori GEORGIO, tuo instinctu excitato, tuo spiritu animato, tuam causam, tuum opus agentis, tuam gloriam amplificanti, vti exemplum hoc habeant posterum memorabile, ingens, non infitiandum, nihil valere astum, dolos, perfidiam, opes omnes, contra tuam sapientiam ac potentiam, quoties tibi videatur. superbiam deprimere, tueri innocentiam, fidem defendere.

Discant, quaesumus, Pater, progressu huius belli & exitu, rerum humanarum sub te arbitri, fidem seruare, non temerare religionem federum, discant, tuo se imperio, tuae manui obnoxios, subito deprimi, deturbari a fastigio se suo posse, vbi primum tu punire illorum vel superbiam vel perfidiam decreueris.

Da GEORGIO nostro animum tua virtute inuictum, robur corporis animi magni conatibus respondens, consilia salutaria, exercitus fideles, domum florentem, regna pacata, & quaecunque magni & digni immortalitate principis vota sunt.

Nobis da, Domine, te agnoscere, tua virtute sapientibus esse ac beatis, te dum hac in statione sumus, te per omnem aeternitatem celebrare.

Saluum fac, Domine, regem nostrum & domum regiam, fortuna consilium regium, serua hanc cum Academia ciuitatem.

* *

Subiungere hic placuit potiore partem programmatidis, quo ad orationem hanc audiendam ciues nostros inuitabamus :

Sic iniustitiam & perfidiam tandem laudare sustinuerunt quidam tyrannico ingenio homines, non quo non aliter edocti essent, aliter bene subductis rationibus sentirent: sed ne ipsos damnarent virorum sapientium sententiae, sententias illis contrarias opposuere. Ferri etiam hoc poterat, etsi est intolerabile. At illud importunitatem fere omnem superat, quod inuenti sunt parasiti quidam tyrannorum, qui quod illi agerent, quod se agere omni modo dissimularent, aperte auderent defendere, eaque ipsa ratione pudorem quoque, si quis illis restaret, excutere. Antiqua est illa labe & turpitudine hominum doctrina & philosophia male abutentium: quod vel illius apud Platonem * Thrasy-machi exemplo constat, qui aperte iustum finit, quod potentiori utile sit: & tuetur, iniusti hominis vitam praestare vitae iusti, iustitiam esse generosam stupiditatem, iniustitiam autem rem consilii plenam; prudentes & bonos viros illos, qui quod summum est in iniustitia assecuti, possint civitates, & gentes integras in potestatem redigere. Non putamus facturum fuisse Platonem, ut tales personas induceret in dialogos suos, eosque confutandos Socrati traderet, nisi fuissent inter sophistas illius aetatis, qui ad istum modum in scholis, & circulis iuuenum, disputarent. Plura non addimus, neque enim historiam improbae illius stultitiae scribimus. ** Stultitiae, inquam. Vastri enim principes non ignorant, exosam esse naturaliter hominibus iniustitiam perfidiamque, ac proinde hoc ipso nomine noxiam,

* De Rep. l. p. 418, C. τὸ δίκαιόν ἐστι τὸ τοῦ κρείττους συμφέρον. Μοχ, τὸν τοῦ ἀδίκου βίον κρείττω. ἢ τὸν τοῦ δίκαιου. Et E, δικαιοσύνη πάντων γενναίων ἐνέδουσαν, τὴν ἀδικίαν ἐνβολίαν. Et F, φερίμιμι δίκαιον εἶναι καὶ ἀγαθὸν ἐν ἀδίκῳ, εἶναι τελίως ἐπὶ τοῦ ἀδικεῖν, πάλως το καὶ εἶναι δυνάμει ἀνδρώπων ὑπ' ἑαυτοὺς ποιέσθαι.

** Aurem hic hbi velli patietur Herm. Sam. Reimarus, vir doctissimus, de promisso olim Machiavellismo ante Machiavellum.

xiam, prudenter igitur, & quanta maxima opera potest, dissimulandam: cum virtutis, iustitiae, fidei, ipsa quoque species profit vel ad hoc ipsum, ut falli facilius & circumveniri homines queant. Quod autem fuere, qui dicerent, speciem iustitiae ac fidei prodesse, rem ipsam nocere, optabile igitur esse, ut videantur boni viri principes; ut sint, nihil opus, quin alienum esse & noxium: illi sapientia sua etiam speciem, quam ita laudant, iustitiae sibi ademere. Quis enim iustum, bonum, fidelem existimabit eum, quem ita putet animum induxisse? Quae cum ita sint, nondum, credo, ad illam comicorum lenonum impuritatem impudentiamque processit aliquis magnorum principum, ut publice, non inter nequitiae sodales, sed edicto, ut hoc utar, proposito, se iniustum, perfidum, fedifragum profiteretur. Nam si qui etiam tales sint, tamen, ut illi apud Ciceronem * Philosophi, *ea dicunt, quae non sentiunt, utque vestitum, sic sententiam habent aliam domesticam, aliam forensem.* Quare qui sapiunt principes, siue iusti ipsi sint & fidei cultores, siue aliter animati, impietatis illos & immanitatis doctores, modo sint tales usquam, odisse debent & amoliri, ne videantur illorum praeceptis obsequi, eoque ipso fidem sibi detrahant, elevent promissorum suorum auctoritatem. Si quid enim profuit ad fines proferendos, aut augendum alia ratione imperium, perfidia; profuit cum lateret, & quaecunque iustitiae speciem indueret; execrabilis est, & vim suam, quae in fallendo & circumveniendo inest, amittit, ac solis armorum viribus sustinetur, cum primum tegi, pingi, dissimulari desinit. Neque enim profecto tam patientes videntur esse homines, reges in primis, principes, & populorum suorum rectores, ut professae nimis perfidiae vel hominem, vel imperium, ad federa & pactiones admittant; ut non confociatis opibus tanquam ad incendium omnibus imminens relinguendum, aut ad noxiam omnibus bestiam conficiendam, concurrant. Quidquid est de bello illo, quod *punitivum* vocant iuris naturae & gentium docto-

* De Fin. 2, 24.

doctores: sanctum profecto & pium illud bellum fuerit, quo ad conatus perfidi impudenter & extra omnem excusationem vel regis vel populi opprimendos, aut frangendas opes, concurrant omnes, non modo periculo proximi, sed etiam ad quos paullo post impotentem ille dominationem possit extendere. Aut egregie fallimur, aut intelligit hodie Europa, esse regnum quoddam, cuius in operosa licet dissimulatione, & magna praedicatione fidei ac iustitiae, non procul ab illo, quem modo diximus gradu absit iniustitia ac perfidia: intelligit, premendam esse, quae hodie offertur occasionem, redigendi ad mediocres & iustos terminos gentem, quam federa adhuc nulla coercere potuerunt. Magna sane res, salutaris, speramus, non ad hoc modo futura, ut paratam sibi seruitutem, intentatas catenas, bella certe ex bellis seminata, hic orbis noster effugiat: sed in vniuersum uti iustitiam & fidem maioris facere in posterum magni quidam mortales discant. Haec tanta res, attentione vestra etiam, CIVES, dignissima, argumentum nobis erit, oratione solemni natalem sextum huius Academiae ab inauguratione illius celebraturis. Quam disertam vobis orationem spondemus, si non male Fabius **, *Nec quidquam non diserte quod honeste dicitur.* Conuenite igitur, CIVES CARISSIMI
a, d. XVII. Septembris hora ipsa decima

in Collegii nostri aedes, & pompam inde nobiscum in Paulinam aedem deducite, sacrum vestra amabili modestia ornatum Ambrosiano hymno religiose canendo gratias Conseruatori Deo nobiscum agite, quod praeter caetera beneficia hoc anno collata in hanc sapientiae & virtutis (sic quidem iussit noster Conditor, sic nos connitimur) officinam atque armanentarium, incolumem summa inter pericula, cum digno tanto patre filio, (ampliusne aliquid ad laudem Celsissimi principis dici potest?) praestitit, successu, victoria, gloria cumulauit, suae inter nos maiestatis vicarium, FIDEI quae impie ab aliis oppugnatae DEFENSOREM magnanimum, qui inter tantos titulos

tulos RECTOREM se nostrum MAGNIFICENTISSIMUM appellari non dedignatur: supplicate nobiscum louae Imperatori, vt faueat porro GEORGIO II., *Orbi quietem, saeculo pacem suo* * pariter & futuris, cum augustissimi capitis sui periculo periculi: supplicate, vt haec Academia destinatis sapientissimi principis respondeat, vt inde prodeant boni viri, qui doctrinam, virtutem, fidem praesertim & iustitiam, tum studiose colant ipsi, tum suis quique ciuibus feliciter impertiant. P. P. a. d. XV. Sept. MDCCXXXIII.

* Seneca Octau: v. 475.

